

1 PÉÉDORO

Tujkénú Péédoro cáátúnuháám:

Duurúvaju

¹ Oo Péédoro Jetsocríjtóo úwááboobéré o péhíjcyáíñé wákimyéivu oke pícyoobe íñe íhyaami ámuha éllevu ó caatúnú dífbyékée ámuha mecáhcújtsóné déjúcotu méiíñújitu ámuhakye ditye wáchájánúme éllevu, Póótoó, Garáátsiaa, Capadóótsiaa, Áátsiaa, Bitííniaa, éhdúné íñújínneri ámuha meíjcyáme éllevu. ² Muuráhjáa ihdyu tsúúcajátújuco Méécááni Píívyéébe ámuhakye íñéhdújuco újcune dífbyeéjté ámuha meíjcyaki. Aane muurá Íapííchoj tééveri ámuhakye píáábohíjcyaaabe Jetsóope mewájuuri ítyujpácýó wáágóónej tééveri ámuha meímíjpyeténe díbye ímillédú meíjcyaki. Aabe ihdyu óvíi ámuhakye panévatu píaabó íbúwajíí íñnerí íjtsámeítýúmé ámuha meíjcyaki.

Ímí méúmwáwá nééneé

³ Muuráhjáa mítyane meke íídaatsólléne béhnétu meke tsíímávaabe Jetsocríjtóo ídsíjívéne tsiíñe bóhíínej tééveri. Áánéllíi ííne imíjyaú méúmwáwá íjcyane méítsohíjcyáhi. Ahdícyane ihdyu metsu Jetsocríjtój Caani Píívyéébeke medúúrúváne metéhdújtsoki. ⁴ Muurá íjcyáné níjkyéjiri íítsiime meíjcyámé wáábyuta mújyú muhdú íjcyáityúné díbye pícyoone meke téhmene. ⁵ Ímí dífbyeke mecáhcújtsónéllíi íhnháhoori meke píáábohíjcyaaabe nihñéétsihvúré téhullévú meúújetécooca teene meújcuiki.

⁶ Áánéllii múu illure imíjyúú dífbyeke ámuha mecáhcujsómé ámuha meícúbáhrámeíyónáaaca. ⁷ Muurá téeneri meke waajácúlleebe ímiááné dífbyeke mecáhcujsóhajchíí éhne múúne óoro cúújúwari ditye wáájácullédu. Muurá teene óoro meke píáábóné ehniíñevu Píívyéébeke mecáhcujsóné meke píaabóné tsá múijyú méema níjkéváityúne. Áánéllii dífbyeke ámuha mecáhcujsómé íinetú menéétsámeítyúhachíí íiné imíjyaú ámúhake ávyéjújtsóiibye dúúrúvaabéré tsiíne Jetsocríjtó tsáacoóca.

⁸ Muurá Jetsocríjtoke ámuha maájtyúmítúróobeke méwájyúúbedívú ámuha mecátsípáávéne méimíjyúúhíí. ⁹ Áábeke ámuha mecáhcujsónéllii tsúuca ámuha mepájtyetéhi.

¹⁰ Muuráhjáa éjyuuúvú Píívyéébé ihjyú uubálle múnaa ihjyúvájúcoorá muhdú dibye meke ídaatsólléne pájtyetésóíñeri. Ároméhjáa tsá pahdu wáájácútú muhdú tene íjcyaiñe. ¹¹ Áánélliihyéhjáa díllócatsíhijcyámé caabyé Críjto íjcyaaabe múijyú muhdú ícúbáhrámeíñe ávyéjuutéiñe Píívyéébé Apííchó diityéké néhijcyáne. ¹² Áánélliihyéhjáa Píívyéébe diityéké waajácútsó ditye íjcyáijyúú tene pájtyéityúne, bóónétúú tene pájtyeíñe. Áánée muurá tsúuca ámúhake tsaate úúballé muhdú mepájtyetéiñe Píívyéébé Apííchó níjkyéjitu tsááne píáábónej tééveri. Aane muurá idyé níjkyéji múnaa téhdure imíllerá páñetu iwáájácúiyóné muhdú mepájtyetéiñe.

ímiááméré meíjcyáiyóne

¹³ Aane ímiááméré meíjcyáne métsúúraméí tsiíne Jetsocríjtó tsácooca Píívyéébe ámúhake ídaatsólléne

ájcuíñeri. ¹⁴ Aame tsúuca Píívyéébej tsíímé ámuha meíjcyame múu dibye ímillédú ijcyáhi. Tsá múu dííbyekée ámuha mewáájácútúcooca ímítyúnéhjiri meúmúúpívyehíjcyádú néjúcootúne. ¹⁵ Muurá meke újcuube ímiááméré meíjcyaki. Áánéllii múu ímiáámé ijcyá dibye íjcyadu. ¹⁶ Muurá dííbyé waajácúháámitu nééneé: “Ímiáámé meíjcyá ímiáábé o íjcyadu.”

¹⁷ Aane dííbyeke ámuha mecáánívahíjcyámé múu ííñújiri ámuha meíjcyané hajchótá dibye ímillédú ijcyáhi. Muurá tsahtúré mééma ímbájchóiibye muhdú meícyahíjcyané tééne áhdovu meke iájcuiki. ¹⁸ Muurá ámuha méwaaajácú mepée mepájtyetéítyúrojító méíhdé múnáaúvú úráavyehíjcyánetu meke dibye pájtyetétsóne. Árónáacáa ihdyu tsá meke dibye pájtyetétsotú dsíídsidívú iáhdóneri. ¹⁹ Muuráhjáa ihdyu mééma áhdoobe mítyane iwájuube Críjtó tujpácýó wágóóóvéneri éhne múúne obééjáuwi imíwu néébeke míamúnáa ímítyuháané hallúvú ditye dsíjívetsódu. ²⁰ Píívyéébéhjáa ihdyu tsúucajátújuco dííbyeke mémenúné ííñuji ípívyéjtsótúné ihdéjuco dibye mewájuuri idsíjíveki. Ahdújucóhjáa dibye tsááne meke ipíááboki. ²¹ Áánéllii dííbyej tééveri Píívyéébeke mecáhcujsómé dííbyedívú mecátsípáávehíjcyá dibyée dsíjívéébeke íbóhítsóne ávyéjuutétsónéllíihye. Aame méwaaajácú dííbyema meíjcyame íínerí mebánúmeítyúne.

²² Ahdícyane tsúuca Píívyéébé Apííchó ámúhakyepíáábónej tééveri ímiáájú ámuha mecáhcujsómé óvíi ámuha méwajyújcatsí ámúhá ííbúuri. ²³ Muurá Píívyéébeke mecáhcujsómé tsíhdyuréjuco meíjcyane. Tsáhájucó meúraávyetú méécáánímúu meke

tsíímávátsihdy meíjcyajíjtó illure níjkévájíjto. Áánetu ihdy Píívyéébé ihjyu mecáhcujsóné tsá múíjyú níjkéváityúne. ²⁴⁻²⁵ Muurá dííbyé waajácúháámitu nééneé:

Pámeere míamúnaa wahájchotaré ijcyá tsójcómují ijcyadu. Téhdure ijcyámé wahájchotaré ííné imíjyaú wajco íjcyadu. Áánetu ihdy Píívyéébé tsá múíjyú níjkéváityúne.

Ááne uwááboju ímiáájú muurá tsúúca ámuéhakye úwáábómeíhi.

2

¹ Ahdícyane óvíjyacóóné ímityúné ámuha meméenuhíjcyáne. Tsá múu állíuutúne. Tsá múu pánehjídú ímiáámé íjcyatúne. Tsá múu nómutáávatúne. Tsá múu ímityúné íhjuvatú tsíjtyedítyu. ² Ímiá uwááboríyé métsúúraméí éhne múúne tsíímene ñohñorí jiyácunúdu. Ááne téené uwáábó ímíñeúvú méuráávyé ámuha mepájtyeteki. ³ Aane óvíi ehdu méíjcyá Jetsocríjtó ímiáábé meke wájyune tsúúca mewáájacúme.

Críjto páñétúejpi

⁴ Aame ihdy ímíñeúvú meíjcyá dííbyema nééwayúdú néébe meke bohíívú ájcúúbema. Muuráhjáa dííbyeke míamúnaa éhdiíválléróobeke Píívyéébe picyóó ávyeta íhtsútuube páñétúejpi díbye íjcyaki. ⁵ Ahdu óvíi meke téhdure nééwayúdú menéemeke pícyoobe ihjyádú meíjcyaki. Téhdure óvíi meke llúúvájtedívú pícyoobe díbye ímillédú meíjcyame dííbyeke meíícuvémé ímí dííbyema meíjcyá Jetsocríjtoj tééveri. ⁶ Muurá dííbyé waajácúháámitu nééneé:

Tsióó cóomi múnáá pañévú ó pícyoó ávyeta wáyúmeíbyeke éhne ímichi tééutu jaa éjkeu nééwayúdú néébeke. Áábeke cáhcujtsómé tsá íínerí báníumeítyúne.

Ehdu nééne Píívyéébé waajácúháámitu.

⁷ Aane dífbyeke cáhcujtsómé dífbyeke wajyúhi. Áánetu dífbyeke cáhcujtsotúmé tsá wájyutú Píívyéébé waajácúháámitu íllu tene néhdújuco:

Tsaúpe nééwayu jááháñé wákimyéi múnáa íñéhnílléne waagóórou pícyámeí ímichi tééutu jaa éjkéiu.

⁸ Téhdure tsiíñe nééneé:

Diibye muurá éhne múúne nééwayutu ávyé mecábóhcámeímyé maáákityéúdú néébeé.

Ahdújuco muurá dífbyé uwááboju ímí cáhcujtsotúmé mújtámeke tene pájtyene.

Píívyéébeéjte

⁹ Árónáa ihdyu tsá ámuha ehdu menéétune. Muuráhjáa ihdyu Píívyéébere ámúhake iújcúmeke pícyoó llúúvájtedívú dífbyé wákiméi ámuha ímiááméré meíjcyáne meméénu dífbyeke dúúrúvamére. Aane imíllebe míamúnáake ámuha meúúballéné muhdú dibye ámúhake ímityúnetu ímiánejcúvú íjchívyetsóne.

¹⁰ Muuráhjáa ihde ámuha ihdícyaméréi meíjcyame tsá dífbyé piáábójú pañe meíjcyatúne. Árónáa ícyooca tsúuca dífbyéjte ámuha meíjcyame tééné pañe meíjcyáhi.

Píívyéébekéré meíícúvéiyóne

¹¹ Ahdícyane tsá ííñújejte ámuha meíjcyájúcootúne, ámuúha táñahbému. Muurá ihdyu Píívyéébé avyéjuejtéréjuco ámuúha. Áánéllii ámúhake o néé meke tútávajtsóiyónéhjiri ámuha meúmúúpívyétuki.

¹² Ímiááméré meíjcyá Píívyéébeke wáájacutúmé ímityúné

ámúhadítýú íhjúvárónáa ímí ámuha meíjcyáné hallúvú dífbyeke ditye íavyéjújtso tsiíne Jetsóó tsáácoóca.

¹³⁻¹⁴ Téhdure múu avyéjuullé páñétúejpi méiiñújí avyéjúúbeke pahúllevaré dífbyé píáábo múnaa íjcyámemájuco. Muurá Píívyéébere diityéké picyóó ditye ímítýúmeke íúwááboki, áánetu ímiáámeke ditye ípíááboki. ¹⁵ Muurá ímílleebe ímiááméré meíjcyane ténejcu wáájacutúmé ímiáájú meúráávyénetu ímityúné íhjúvátuki.

¹⁶ Áánéllii ímiááméré meíjcyá tsúuca ímityúnetu ámuha meíjchivyéme. Aame ihdyu ímityúné mémeenújúcohdí tsúuca Píívyéébé hójtsí pañéréjuco ámuha meíjcyame. ¹⁷ Aame múu dífbyeke íllííne díbye ímillédú íjcyame pámévakéré avyéjuullé méiiñújí avyéjúúbemájuco. Téhdure múu pámeere Píívyéébeéjtema wajjújcatsíhi.

Muhdú ícúbáhraméí maáabuúne

¹⁸ Áhdure múu tsaaté hójtsí pañe íjcyame diityéké íavyejuúlléne meenú ditye táuhbáne. Tsá múu ímiáámemáyé ímí íjcyatúne. Ímityúmé íjcyáromema múu ímiáámé íjcyáhi. ¹⁹⁻²⁰ Muurá ihdyu Píívyéébe ímillédú meíjcyáné hallútú meke ditye ícúbahráné maáábucúhajchíí ímí meke íjtsúcunúúbe. Áánetu ímityúné meméénúné hallútú meke ditye ícúbahráné maáábucúrónáa ¿aca meke ímí íjtsúcunúúbe? Tsáhaá. ²¹ Muuráhjáa Píívyéébe meke ujcú Críjto mewájyuri ícúbáhrámeíbyé ímiáábé íjcyadu meíjcyaki. ²² Tsáháa muurá díbye mújyú ímityúné méénutúne. Áhdurée tsá muucá díbye állityúne. ²³ Muuráhjáa dífbedítýú ímityúné íhjúvárómeke tsá díbye

píámeíhíjcyatúne. Áhdurée dífbyeke ícúbáhráromeke tsá dibye méénúllehíjcyatúne. Íllurée íhvéjtsámeíbyé Píívyéébedívú dibye teene diityémá íímíbájcho muhdú tene íjcyadújuco. ²⁴ Aabée muurá Críjto dsíjívé páwachekevu mépée medsíjívéiyóné tsúúcajáa méimítyú déjuco dsíjívemédú meíjcyarómé meímíbaávyeki. Ehdúu mewájyuri dibye ícúbáhrámeínej téeveri méimíbaavyéhi. ²⁵ Muuráhjáa éjyu ídátsó méícyahíjcyá Píívyéébeke wáájácútumé éhne múúne obééjámú mújtame íjcyadu. Áronáa ícyooca tsúúca métehméébé Críjtoma méíjcyáhi.

3

Muhdú métáábama meíjcyane

¹ Ámuúha walléémuj, ámuhá tajímuke máavyéjuúlle. Tsaímíyé meíjcyá diityémá Críjtó uwááboju tsaate cáhcújtsóturómé ímí ámuha meíjcyane ííténe botsíi icyáhcújtso íiná diityéké ámuha menéétúrónáaaca. ² Muurá ímiááméré ámuha meíjcyane ííténe imílléiyómé téhdure Píívyéébeke iúraavyéne. ³ Tsá múu ávyeta íímíbájkímeyéiyóneri íjyácunútúne. Téhdure tsá múu íjyácunútú íhñiwaco idyóíhdsínúmeíne tsaímíyé ipíhdámeíiyóneri, mítyane áhdómeíne icyááveháñevu íicyáávéiyóneri, ímiá wajyámuunévú íujcámeíiyóneri. ⁴ Apááñeríyé múu íjyácunú tsaííbuwáre íjcyáiyóneri. Ehdú ihdyu íjcyámeke Píívyéébe ímí íjtsúcunúhi. ⁵ Tehdúhjáa muurá éjyuúvú íjcyané walléémú Píívyéébedívú íhvéjtsámeíne dibye ímíllédú ícyahíjcyáhi. Aaméhjáa ájyúmuke avyéjuúllehíjcyáhi. ⁶ Tsáaráuvúhjáa muurá ájyu Aavarááuvuke icyáhcújtsóne avyéjuúllehíjcyáhi. Aane dillée íjcyadu ámuha ímiááméré

ámúhá tajímuma meíjcyáhajchíí tsá ámuha íínerí meíllityéityúne.

⁷ Áhdure ámuha wajpíímú ámuha táábámuma ímíñeúvú meíjcyá. Tsá múu diityedí ícúbáhratúne. Múu íjtsámeí diityéké íavyejúúlléne muhdú ipíáábóíñeri ámuha tsíjpa tujkévevu ditye íjcyátúnéllíhíhí. Muuráhjáa Píívyéébe wajpii, wallee, picyóó dityétsí ipíáábójcatsíñe ímí íjcyaki. Aane ehdu ámuha meíjcyáhajchíí Píívyéébema ámuha meíhjuúvácooca tsá íiná ámúhakyé pátsárijcyóityúne.

*í*miáané hallútú meícúbáhrámeíñe

⁸ Ahdícyane ihdyu pámeere tsaímíyé meíjcyá pamé-vamáye. Tsá múu pájúvatúne. Meídaatsólléjcatsíñe méwajyújcatsi tsané nahbémú múúne wájyújcatsídyú mí-tyájkímyeítyúmére. ⁹ Tsá múu píámeítyú ámúhakyé ímí-tyúné méénúmeke. Téhdure ámúhakyé úhbámeke tsá múu úhbatúne. Íllure diityé hallúvú píáábó métáuméí Píívyéébeke. Ehdu dibye ímillédú ámuha meíjcyáhajchíí ámúhakyé píáábóííbye. ¹⁰⁻¹² Muurá dííbyé waa-jácúhááamitu nééneé:

Ímí íjcyane ímillémé tsá ímityúné íhjuúvatúne. Áhdure tsá ditye állíuutúne. Muurá ímityúné imyéenuhíjcyánetu ííhveténe ímiááneréjuco ditye méénune. Aame íjcyá tsaímíyé pamévamáye. Muurá Píívyéébe ímiáámeke píaabóhi. Aabe dííbyeke ditye táúmeíñe lleebóhi. Áánetu ímí-tyúmedi tsá dibye íícúvetúne.

Ehdu nééne Píívyéébé waa-jácúhááamitu.

¹³ Aane ehdu ímiááméré ámuha meíjcyáhajchíí ¿aca ííne hallútú múha ámúhakyé ímityúné méénuíyáhi?

¹⁴ Muurá ehdu ímí ámuha meíjcyané hallútú meícúbáhrámeíhachíí maímijyu ámuha meíjcyanej. Ahdícyané tsáma íínerí maáábímeyeídííne. Muurá Píívyéébe ámuhákye píaabóhi. ¹⁵ Múu Máavyéjuube Críjtodívú icyátsípáávéne íjcyátsíiivyé ámuhákye díllómeke ámuha mewáájácútso íveekí dííbyedi ámuha meíjyácunúhijcyáne. Áronáa ihdyu múu ímííneúvú chooco úúballé mítyájkímeyeítúmére. ¹⁶ Aame téíibúwá meíjcyá Críjtoke ámuha meúraávyénetu tsaate ímityúné íihjyúváneeri ínúcójpíveki.

¹⁷ Aane ihdyu óvi meícúbáhrámeí ímíáánéré meméénúné hallútú Píívyéébe ímílléhachííjyu. Muurá tééné hallútú meícúbáhrámeííne maáábúcuháchíí ímí meke íjtsúcunúúbe. Áanetu ímityúné meméénúné hallútú meícúbáhrámeííne maáábúcurónáa tsá díbye meke ímí íjtsúcunútúne. ¹⁸ Muuráhjáa Críjto múijyú ímityúné méénútúroobe ícúbáhrámeí méímityú hallúvu. Aabée tsáijyuré dsíjívé méhllíi pámeere ímityúmé meíjcyáme wájyuri téénej tééveri meímíbaávyéne ímí Píívyéébema meíjcyaki. Aabée dsíjívérónáa íííbuu íbóhí íjcyáhi. ¹⁹ Aanéhjáa péé éíjyuúvúu dsíjívémé íbuúúné íjcyátsihvu díityéké íúwááboki. ²⁰ Muuráhjáa éíjyuúvú Noéé míínécoba méénuhíjcyánáa Píívyéébe téhmehíjcyará míamúnaa dííbyeke icyáhcuíjtsóne téémí pañévú íúcááve ípájtyeteki. Áronáacáhjáa apáámyéré 8-meve pájtyeté pámeere ííñují cáájáváneeri májcanúnetu. Áámeúvú íbuúúnéhjáa íjcyátsihvu Jetsóó íííbuu péé díityéké íúwááboki. ²¹ Aanéhjáa téijyu nújpacyotu dítye pájtyeténé naavénú íne ícyooca metsójtsótsámeímyé mepájtyetéíne. Aane tsá metsójtsómeítú méjpi

ííńú íńtyááveki. Muurá ihdyu téeneri meúújetsó Píívyéébedívú mecátsípáávéebeke metáúmeíñé dibye meke ímíbájchoki. Aane ihdyu meke ímíbájchoobe Jetsocríjtóo dsíjíveebe tsiíñe bóhííbej téeveri. ²² Diibye muurá ícyooca íhtsútuubéréjuco níjkyéjiri Cááni Píívyéébe úníuri íjcyáábeke pámeere níjkyéji múnáama naavémú avyéjuulléhi.

4

Muhdú Píívyéébeke meíícuvéne

¹ Aanée muurá Críjto ííńújiri íjcyácooca ícúbáhrámeí mewájuryi. Áánéllii metsu meícúbáhrámeíyóné maáábúcu dibyée áábucúdu. Muurá meícúbáhrámeíyóné maáábucúmé tsá ímityúné meméénújúcootúne. ² Aame tsáhájuco meúmúúpívyetú ímityúné meméénúíyóneri. Píívyéébe ímillédú meíjcyáiyón-eríyéjuco metsúúrámeíñe. ³ Ahdícyane óvíjyacóóné Píívyéébeke wáájacutúmé íjcyadu ímityúné ámuha meméénuhíjcyáne. Muuráhjáa ímityúneri ámuha meúmúúpívyehíjcyáhi, ámuháa ménahtsívátéhíjcyáhi, ámuháa mewáñehjívaténé pañe méllíyícyávehíjcyáhi, níjcyotájtekée ámuha méduurúvahíjcyá ámuha meméénúítyuróne. Ánehji óvíjyacóóne. ⁴ Muurá ténehji ámuha meíhvéjtsóneri ámúhake náhbévahíjcyámé téeneríyé íjcyame íllure ámúhadi uuhívatéhíjcyáhi. ⁵ Árómemá Píívyéébe muhdú ditye ícyahíjcyáné ímíbájchoóhi. Muurá pámeere dsíjívétúmema ímíbájchóiiibye tsúuca dsíjívéjúcóóróméhjimájuco. ⁶ Téénélliihyéhjáa muurá éíjyu múnáaúvuke téhdure

úwááboméíñé diityé íbuúúné ibóhí ímí íjcyá Píívyéébe íjcyadu.

⁷ Muurá tsúúca ííñuji mééma nijkévaríjyuco. Áánéllii ímiááméré meíjcyáne paíjyuvaré Píívyéébema méihjyúvahíjcyá. ⁸ Aame múu wajyújcatsíhi. Muurá tsíjtyeke mewáýjyume ímityúné meke méénúrómeke mepíámeíyóneri tsá meíjyácunútúne. ⁹ Ahdícyane múu ímíñeúvú waatsúcújcatsí ámuha maááhívéjcatsícyooca ìná íjtsámeítyúmére. ¹⁰ Mepíáábojcatsí muhdú ámuha mepíívyetédú Píívyéébe meke ájcúné píáábori baúháñé dibye meke ipíáábótuki. ¹¹ Áánéllii ámuha meúwáábócooca ímíñeúvú meúwáábohíjcyá dílbyé ihjyu néhdújuco ámúhaj tééveri dibye íhhyúvaki. Áhdure ámuha tsíjtyeke mepíáábócooca ímíñeúvú mepíáábó muhdú dibye ámúhake túkévejsódu. Aane páneere ìná ámuha meméénune múu ímíñeúvú meenú dílbyeke ámuha Jetsocríjtoj tééveri maávyéjyútsóne. Áábedívú ihdyu metsu meihvéjtsámeíñe dílbyeke maávyéjyútsó mújyú níjkeváityúne. Ehdú teéne.

Críjtoéjté ícúbáhrámeíñe

¹² Ámuúha táñahbému, tsá múu mávaríjchojúúné ámúhama íjcyánetu íjtsámeítyú tene ámúhama íjcyáítyuróne. ¹³ Íllure múu imíjyúú Críjtóo ícúbáhrámeídyú ámuha meícúbáhrámeíneri tsiíñe íavyéjuma dibye tsáácooca ámuha meímíjyúúveki. ¹⁴ Áánéllii dílbyeéjté ámuha meíjcyáne hallútú ámúhake tsaate úháhajchíí múu imíjyúú Píívyéébé Apííchó ámúhá pañe íjcyánélliihye. ¹⁵ Árónáa ihdyu núcójpítsóhreiýó teene ímityúné ámuha tsíjtye éhné menániñe, tsaatéké ámuha medsíjívetsónee, tsíjtye ihjyú pañevú ámuha meúcaavénee, éhdúné hallútú

ámuha meícúbáhrámeíñe. ¹⁶ Áánetu ihdyu Críjtoéjté meíjcyáné hallútú meícúbáhrámeíñé tsá núcojpitótúne. Íllure Píívyéébeke téené hallúvú dúúrúvaméré météhdújtsó dífbyeéjté meíjcyánéllíhye.

¹⁷⁻¹⁸ Muurá tsúúca muhdú meícyahíjcyáné dibye mééma ímíbájchóíñe éévé úújéteéhi. Aane méhdityu tujkénúíibye ihñéjté meíjcyámedítu. Aabéjii awáá ǰmuhdíívanéami ihya tsáma ímíbájchooi eene dífbyé uwááboju cáhcújtsótúmema, ímiáámé íjcyarómé íhtsútúnetu pájtyetéíñáaaca? ¹⁹ Ahdícyane dífbyedívú meíhvéjtsámeíñe dibye ímillédú meíjcyá ámuha meícúbáhrámeíyónáaaca. Muurá meke ípívyéjtssoobe íñéhdújuco méénune.

5

Cahcújtso múnáá túkevítsoju

¹ Téhdure ó imíllé cahcújtso múnáá túkevítsojteké o úwaabóné téhdure túkevítsoobe o íjcyaaabe muhdúhjáa Críjto ícúbáhrámeíñé o ájtyúmíibe. Aabe téhdure ó íjcyaa dífbyé avyéjuri tsiíñe dibye tsáácooca. ² Áánéllii ámúhake o néé ímíñeúvú ámuha metúkévítso Píívyéébeéjté ámúhá hójtsí pañe íjcyámeke. Tsá múu dibyée ámúhake níwáávéne íjyeveríyé téené wákimyéí méénutúne. Áhdure tsá múu téené hallúvú ámuha medsídsívakíyé méénutúne. Múu ímíñeúvú meenu Píívyéébe ímillédu. ³⁻⁴ Tsá múu tsíjpánécoba díityéké úwáábotúne. Choocóré múu úwaabó páñétúejpi Métehméébé tsáácooca ámuha maávýéjuuté dífbyema múijyú níjkéváityúne.

⁵ Téhdure ováhtsámú máavyéjuulle ámuhá túkevéjtsojteke. Panéjcuwávú máavyéjúúllejcatsí mítyájkímeyéityúmére. Muurá Píívyéébé waajácúháámitu nééené:

Píívyéébe píaabó idáátsóméhjiúvú néémeke. Áánetu ‘mityáhmítýá’ néémedi tsá dibye íícúvetúne.

⁶ Áánéllii mítyájkímeityúméré méíhvéjtsaméí íhtsútuube Píívyéébedívú díbyere ámuhákye ityúkévéjtsoki. Áíjyu muurá ámuhákye ávyéjújtsóiibye dibye meke ávyéjújtsóíne éévé úújetéjyu. ⁷ Áánéllii íínerí áábímeyéityúméré díbyedívú mecátsipááve. Muurá imílleebe meke ipíaabóne.

⁸ Áronáa ihdyu téíibúwá meíjcyá Naavéné ámuhákye imújtátsótuki. Muurá mémunáajpi íjcyaaabe meke imújtátsóiyóneri íjyácunú éhne múúne bájú oohíbyé iyámeke idyóóiyóneri íjyácunúdu. ⁹ Áróobeke ihdyu metáhjá Píívyéébeke ámuha mecáhcújtsónej tééveri. Muurá méwaajácú pahúllevaré ííñújiri ménahbémú téhdure ténéhjiri ícúbáhrámeíhjcyáne.

¹⁰ Áronáa ícyooca wahájchotaré meícúbáhrámeíñé níjcautu Mépiivyéébé meke ávyéjuutétsoó múijyú níjkéváityúné Jetsocríjtoj tééveri. Aabe muurá mewájjyuri meke ímíbjachó íhtsutúme meíjcyame íínevú metáhjátsámeityuki. ¹¹ Áánéllii ihdyu metsu íhtsútuube íjcyáábeke maávyéjújtsó pajjyuvaré múijyú níjkéváityúne. Ehdu teéne.

Nihñéeneré pityájcoju

¹² Aane íñe íhyaami o cáátúnuháámí ámuhá éllevu ó wallóó ménahbe Píívyéébeke ímí úráávyeebe Tsi-báánoma. Áhaamí pañe ámuhákye ó ítsáávetsó ímiáané

ímí Píívyéébe ámuhákye píáábohíjcyáne. Áánéllii múu tsaímíyé díbyema ijcyáhi.

¹³ Ámuhákye Babiróóniá cóómiyi íjcyáne cahcújtso múnaa duurúvá ámuhákyéé iújcuđu téhdure Píívyéébe diityéké újcume. Téhdure tájtsiiménédú néébe Mááco ámuhákye duurúváhi. ¹⁴ Téhdure ámuhákye táicyánéjcutu o néé ámuha Críjtoéjté tsané nahbémú méijcyame medúúrúvájcatsíki. Ahdícyane óvíi íbúwajíí ámuha méijcyáhi. Áyu tehdújuco.

Píivyéébé ihju: jetsocríjyodítýú cáátúnuháámi **New Testament in Bora (PE:boa:Bora)**

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 27 Jul 2022 from source files dated 25 Jun 2022

6f878dbd-e896-5e27-b788-1442926dfc48